

OMUKWETU

Registered at the GPO as a Newspaper


15c

ETUNGO LYA THIKAMA

Etungululo lyOshinyanyangidho ngashingeyi oli li moohengo. Mentungwe, omutungi sho tuu e li kaku-kile okuza petameko lyaJuli, ongomondjodhi, o-makuma sho ga thikama. Mboka mwa pitile po, nando omu li owala mepola lyokOnandjokwe, shaa we ga yeluthile kombinga yokuuzilo wondjila, oto dhimbulula kutya mpoka pwa li ompile, ngashingeyi oongulu oonene mbali dha tegama dhi li po.

Pethimbo ndika
aatungi oyi
ipyakidhila
nokugoya ekuma.
Konima yo-
masiku
omashona
otaa ka
tameka ne-
kolongo
nokutula ko
iikonde, yo
ondunda yi
imonikile
ngaa nduno.
Ashike inatu
dhimbweni
kutya omu-
tungi ota
yangata po
okandumba.

KORS



Ndika limwe
lyomomashina tage
ya, lya gu R50 000.

Omashina goludhi ngaashi ndwoka to mono mefano oge li nale mondjila gu uka kuNamibia, ihe okOshinyanyangidho sha ELOK taga ka helulwa nokulongithwa. Iilonga oya humu ko ano sigo opompoka.

Ombilive ya nyolelwa Ngoloneya-Ndjayi

Ompitithingundu vOraata yOongeleki muNamibia (CCN) oya kamutumbile eti 24/8/81 okukundathana i'kolokosha yomO-tjiwarongo, noya tokola okutumina Ngoloneya-Ndjayi, A.G. ombabila tavi landula+

Omusimanekwa: Oshinima: Orwetoveni, Otjiwarongo,
7-10 Aguste 1981.

Noluhodhi olunene nehaluko, tse otwa kundana kiikoloko-sha nomäehamo ngoka ga zi muyo; ekanitho lyoomwenyo 8 neyonagulo lyomaliko ndyoka lya ningwa molukanda lwaOrwetoveni mOtjiwarongo, okuza eti 7-10 lyaAguste 1981.

Muuyelele womahokololo taga kondjithathana ngoka ga holoka miifonkundana nomooradio noneitulemo enene okukeelela iinima yoludhi nduka yaa holoke we moshilongo shetu, tse, ompitithingundu ya CCN, otwa gongala mOvenduka moshigongi shopaulumompumbwe meti 24 lyaAguste 1981. Otwa hala oku ku indila omisimanekwa u ulike okangundukonakoni komontaneho ki ithikamena ka konakone ngaashi tashi vulika iinima ayihe yi na sha noshiningwanima shika oshiwinyai nosha eta eso, opo aataandolithi yiilonga yuukolokoshi ya vule okuningilwa payuuki, ano ya pewe shoka uuyuku tau shi pula.

Olyo eitaalo lyetu lya kola kutya omapulaapulo gowala ashike gaantu inaga gwana, nande okuhoTola puuyelele uukwatya niyelithi yiiningwanima mbika yi nyanyalitha. Tse otu uvite kutya oshinima shimwe shoka shi na oshilonga oshinene noshi shi ku talwa mokuulika okangundukonakoni ka tya ngaaka, osho okutula po eutho lyokupopila ayehe mboka ye na ehalo lyokugandja uuyelele wuunzapo.

Molwashoka tse otu lile po omwaalu omunene gwaantu yomoshilongo shetu, osho wo shoka kutya iilyo yoongeleki dhetu oyo ya gumwa lela kiiningwanima mbika, nomolwasho ongOraata yOongeleki tse otwi itula mo lela shili mokukondjela uuyuku, ombili nehangantho, otwi ilongekidha okugandja ekwatho lyetu kOkangundukokonakoni ka tya ngaaka, ngele ou lwete sho opala, tse tu ulike gumwe gwetu a kale oshilyo shOkangundu.

Omolwoshimpwiyu shetu mekwatathano naamboka ye li metonatelolo lyetu pausita, otatu indile neendelelo enene u itulemo shili moshinima shika shi kale wo kungoye shi na eendelelo enene notwa tegelela shili okuuya etokolo lyoye moshinima shika mbala ngaashi tashi vulika.

Nesimaneko enene yoye
Omumbisofi J.H.Kauluma
Omusita A.J.Maasdorp

Oya thika nawa

Shitiwa omumbisofi wa ELOK, dr. K.Dumeni, pamwe na Amushanga gwe, tate A.Hasheela, oya thika nawa muNamibia, konima sho ya kala uule womwedhi kombanda yomafuta.

Oya kala muSoomi noya talele po wo Senegala. Omauyelele galwe ge na sha nolweendo lwawo, otaga ka gandjwa nale.

"Uupagani nau kondjithwe muuyuni auhe" Kibira a ti

Ompitithingandu yOngongahangano yAakwalutheri muuyuni (LWF) oya li moshigongi shayo shokomumvo moshilando, Turku, moSoomi okuza eti 5-13 lyaAguste 1981.

Mokupopitha oshigongi shika, omupresidende gwa LWF, omubisofi Josia M.Kibira, gwaTanzania okwa popi nomuthindo nkene sha pumbiwa shili aakriste ayehe muuyuni ya kondjithe uupagani. Okwa ti: "Iitopolwa moka mwa kala shito hukeiste, Amerika lyo kUumbangalantu naEuropa, oyi li po ngashingeyi ya pumbwa okweevangelithululwa noonkondo adhihe. Oshoka uuyamba wiinima yomuuyuni mbuka nomalongolala ane o (ideology) galwe oya siikila nokukwidhidhika evaangeli ndyoka lya kala hali uvithwa shito. Ngashingeyi oomiliona noomiliona dhaalumentu naakiintu miilongo mbyoka, inaa tseya ando sha kombinga yaangoka Kalunga e mu tumu muuyuni okuhupitha aantu noya fa naanaa mboka haku tiwa aapagani yomiilongo yaAfrika na Asia."

"Nokuli" Kibira ta tsikile, "miilongo yimwe ngaashi muAfrika, aantu mboka haku tiwa aapagani nayo wo oya tseya Kalunga pamukalo naanaa ngoka Aayafrika ya adhika ye shi Kalunga, manga aatumwa Aayeuropa inaa ye ya. Aakaaneitaalo yomuEuropa otaa nyengwa shili okuuvako oshinima shika. Mokushuna monima kwawo, oya ninga aapatani kutya Kalunga ke ko.

Ndele kape na nando Omwaafrika gwashili ta vulu okupatana kutya kaku na Kalunga kuuyuni huka."

UUPAGANI NAU KONDJITHWE

"Oomiliona noomiliona dhaantu ngashingeyi oye li ashike pashinanena, ya longeka noya putuka; ihe aapagani yothilu. Onkee ondi na ethaneke kutya, peha lyokuholeka shoka itaashi vulu we okuholekwa, Ongongahangano mokulongelakumwe nomahanganogalwe goongeleki, oye na okwiitula mo monkambadhala yokwe vaangelithulula, Europa naAmerika nokutala shoka shi shi okuningwa okukondjitha elongo kehe muuteologi kehe mboka wa hala okushundula nokupilika omanyolo omayapuki. Tala kep. 4



Omupresidende gwa LWF, omubisofi Josia M.Kibira, gwomuTanzania.

OMBILI YUUYUNI Dha za kep.3

Omumbisofi Kibira okwa popile omadhiladhilo gOmumbisofi omukuluntu gwOngeleki ya-Sweden, Olof Sundby, okuhiya oshigongi shaakriste ayehe muuyuni okukundathana ombili yuuyuni. "Ombili yuuyuni oyi li oshinima oshinene kEhangano ndika lyOngeleki Oonkwalutheri 97. Aantu oye ndji noonkondo ngashingeyi otaa ipula ashike kutya, "uunake iita yomatati golute (nuclear war) tayi ya, peha lyokwiipula ngele otayi ya tuu?" Shika otashi ti; koyendji osha yela kutya iita ya tya ngaaka kayi shi we okuyandwa," osho Kibira a ti.

"Osha yela kutya, otwa adha oshikako oshidhigu mehistori lyuuyuni. Ndele tse aakriste otwi itaala kutya Kalunga oye ngaa e li natango koshihingitho shuuyuni, nonando aantu oya fa taa kanitha omukumo. Etegameno neinekelo lyetu muye, olya kolelela, itaali inyenge. Ihe shika itashi ti natu ikuthe mo, tu kale kaatu na ko nasha. Tse ngOngeleki naLWF, otwi ithanwa tu kumike omukumo nokugandja kaantu yetu nokukambadhala, ngaashi tatu vulu okuyuulula ehilathano pokati kaAmerika naRuslanda."

Kibira okwa pa epangelo lyaAmerika uusama sho lya indjipalitha iimaliwa yokulonga iilwitho noku yi landitha, a ti: "Osha yela kutya ondjala miilongo mbyoka yi li moku-putuka ndjoka tayi kondjithwa shili ku LWF, ando otayi pupo thilu, ngele omamaliwa ogendjigendji ngoka taga longithwa mokulonga oondjembo, taga longithwa mu-sha shilwe tashi kwatha aantu shi vule oondjembo."

kOlukonda okwa li sha-----

Oshituthi shOmissioni moshitayingeleka shaNdonga oshali sha gongala megongalo Olukonda okuza 29-30/8/1981. Osha li sha tamekithwa nelongelokalunga pombali yokomatango. Elongelokalunga lyongulohi olya li lya ningwa kaasitagongalo F.Ashipala, ngoka e li wo omutonetelishitayingeleka shaNdonga, na J.Kapewangolo.

Euvitho olya ningwa komusita Titus Ngula. Meuvitho Ngula okwa taalelitha omeho gaa-pulakeni koluhepo lwokomwenyo nolwokolutu ndwoka lu li muuzilo wOndonga. "Otatu yono ngele onkundana ndjika yokutaandelitha evangeli itatu yi faleni ko kwaamboka inaa ye yi uva," osho a ti. Mongalo yoshilongatumo ndjoka ya li ya gongelwa pethimbo lyoshituthi omwa zi iilya, oshako yepungu, omatanga, iipakete oyindji yoonguwo oonkulu, ongombe (omdumetana) niimaliwa(R425-19)

Kombinga yiinakugwanithwa yomagongalo (R100-00 kegongalo kehe), Oshitayi osha kangele omagongalo agehe sho sha gongele R220-00. Onandjokwe nando yo kayi shi egongalo nayo oye ya nawa, oshoka oya gongele R220-00 nokapakete mu na othewa niinima yilwe.

Iimaliwa mbyoka ya li ya gongelwa esiku ndyoka oyo R1620-54. Natango ota ku tegelelwa egongalo kehe li ete oshinakugwanithwa shalyo R100-00.

WAA NA MUTIMA KU NA MWENYO--

MuNamibia na unene muSouth Afrika, uuvu womutima owa dhipaga aantu oyendji unene aatiligane. Opu na omahangano galwe muSouth Africa, ngoka haga longo aantu nkene ye na okuyanda uuvu mbuka. Okwa konywa iinima itano mbyoka hayi eta uuvu womutima:

a) okunwa omakaya, b) ombinzi ya londa, c) okwaahaninga omadhewo, d) omaudhigu, e) eondo lya pitilila. Ano opu na oshindji shoka aantu taa vulu ku lundulula monkalo yawo, oshoka ukalinawa wawo owu li miikaha yawo yene. Oshoka noondohotola yo yene, ihaa vulu okumweneka uuvu womutima.

Uusekeleta mboka wa longwa muSouth Africa ou na unene oonkondo, oshoka owa ningwa muuzigo owindji. Uuzigo mbuka mOshiingilisa ohau lukwa "Tar" na "Nicotine." Uuzigo mbuka ohau ehameke iitopolwa ayihe yolutu unene tuu omutima.

Omahangano gamwe oga nyola ondjele yuuzigo kuupakete wuusekeleta. Onawa ngele aanwi yomakaya taa kala ye shi ondjele yuuzigo mbuka. Mupya munene yalwe kaye shi kulesha. Pamayelitho goondohotola yalwe, uuzigo wo "Tar" ohau eta omukithi gwo-"Kanker" yomapunga, ndjoka hayi fala sigo omeso.

Onicotini uuzigo mboka hau uvitha omunwi gwomakaya endjango. Omayiuvo gendjango ngele ga pumo, omuntu ota pumbwa ishewe okasekeleta kamwe, sigo okapakete ka

pu nokuli nomuntu ota ningi ombuyi yo yene.

Miilongo yilwe omu na ompango kutya uusekeleta nomakaya galwe inayi landithwa kaantu ye li koho yoomvula (16). Ngoka ta monika te shi ningi, ota geelwa kepangelo lyoshilongo shoka.

Omipopyo ndhoka tadhi heke aantu ye ye ya lande omakaya ihadhi popiwa paanona, oshoka omunona ota kwatwa mbala kehalo lyokuhwameka kamwe opo a tale kutya ota-shi nyanda ngiini.

Ondi na owino kutya oyendji moshilongo shetu kaya li yu uvite ombili kokapopiwa hoka kali haka holoka mOradio yOwambo taka hekele aantu muupika wokunwa uusekeleta wedhina "Life". Okapopiwa haka ihaka holoka we ngashingeyi. Onawa epuko ndika sho lya opalekwa, nonando oyendji unene aanoa ya ningwa nokuli iihakanwa yomakaya omolwokapopiwa katya ngaka.

Iilongo yomuuyuni oya kelela okusteyitha (to advertise) uusekeleta pamanyolo, pakupopya nopamafano.

Pakupopya kwoondohotola, aniwa oshitine shimwe sho maaluudhe 50 mboka ye li miilando iinene, oye na ombinzi ya londa.


Iimpwiyu, iikulya yi na omongwa gwa pitilila, iikulya yi na uutoye wa pitilila, iikulya ya tulwa.

Tala kep.8

SA MUANGOLA

Omafiku a dja ko oifo neeradio oda kala tadi kundaneke kutya omatanga ovakwaita va Suid-Afrika, a homata nokomayoo, okwa ponokela vali oshilongo sha manguluka shaAngola opo vati a ka konge eekamba da SWAPO noku di hanauna po.

Osheendo "shovakongi va SWAPO" osha ya shi li momatuwa taa nyengana okuvalula nomeedila damadu. Omauyebele taa di apa naapenya otaa popi kutya omalwoodi itaa nwinwa omeva okwa kala taa pwakele pokati ka SA netanga leAmeno laAngola, FAPLA.



Okwa kundaneke yo kutya SA okwa nangala po oudoolopa vamwe-vamwe ve li koumbuwanhulela waAngola, ngaashi va ulikwa kokaalita. Oudoolopa ava o li moshitukulwa shaKunene. Ova kunghula nondjila oyo ya mbwalangadja ya finda kOluvango (Lubango). Pamanyenyeto oo haa ningwa shito ku SA, mOluvango vati na eendjebo dinene (missile) doku yasha mo eedila mombada.

Paendjovo domukwashiwana umwe womeenhauki odo de ya muNamibia da dja muAngola, omolwoiponhokela ya SA, moudoolopa va tumbulwa metetekelo inamu hangwa nande oumwe-umwe wovakwaita va SWAPO. Omukwashiwana waAngola ou ngaashi ye mwene e shi holola, okwa dile mokadoolopa Shangongo (Xangongo), nokwa li ashike e ya mo omolwoilonga. Eshi a li a pulwa koradio yOwambo ngeenge muShangongo inamu hangwa ovakwaita vaha-

ngano la SWAPO, okwa holola oshili yaye kutya SWAPO pOshango-ngo oha ende poashike ta ka konga omifitu edi da fita, shaashi omo-ha kala.

Pokati opo omupresidente wa SWAPO omusamane Sam Nuujoma, okwa yandja oundobwedi waye kutya shi dalelwe ovakwaita vaye va lwe nomatanga a SA moiponokela ei yopaife. Osho eshii osho ashike osho kutya SA okwa kala ta lwifwa kovakwaita va-Angola, oovene voshilongo. "SWAPO ita lu muAngola, ndelene ota lu muNamibia" osho Nuujoma a ti.

Eshi a li a pulwa ngeenge oshiponokela sha SA osha etela ehangano laye ekanifo leemwenyo noilwifo, Nuujoma okwa yandja enyamukulo lopauidipoloma ta ti: "Fye metokolo letu nomomukumu wetu wokulwa, inamu dja mo inamu ya".

Fiyo opapa eedjonghundana daAngola otadi kundaneke kutya SA muAngola ine limana mo naanaa filufilu.

OMUWAMBO OHA TI KAPE NA SHIKUKUTU SHIHA XULU, PO KAPE NA SHIDJUU SHIHA SHUNA MHADI MONIMA.

Angola na Reagan

Palunzankundana lwaAngola, Angop, aantu omayovi ogendji-gendji oya li taya holola omadhiladhilo nokwiigidha muule taa ti: "Reagan oku na oku sa!" Shika osha li sha ningilwa momapandaandaa go-shilandopangelo shaAngola, Luanda eti 8/9/1981.

Osha ningwa omolwoshiponokela sha SA shoka a ningile Angola. Oshoka oonkambadhala ndhika dhokuponokela nodhokweeta omaidhengomumwe, otadhi ningwa omolwomulundu gwa-Reagan omupresidente gwaAmerika, osho omuwiliki gumwe gwaAngola a ti sho a li ta popitha engathithi ndika lyaahololi yomadhiladhilo.

Oministeli yimwe yomepangelo lya MPLA, Luitenanda Col. Evaristo Domingos, okwa ti kutya oshigwana shaAngola mekondjo lyasho inashi ikalekelwa. Otashi vulu okupula ekwatho lyopaigwana opo shi vule okukandeka SA.

Oskola yOontumwafo

Oskola yOontumwafo dhokukonakona Ombimbeli otayi monika mOngwediva. Ompito ndjika oye egulukila ayehe. Ope na mboka mwa ningi nale omaindilo mu tuminwe oontumwafo ihe inamu mona natango.

Otwa nyengwa okutuma oshoka omaindilo gamwe oga ningilwe omumvo 1980 gamwe opetameko lyomumvo 1981.

Otashi vulika oondjukithi dheni dha lunduluka, ngele kumboka mu li kUushimba nenge mOwambo. Otatu indile mu tu tumine oondjukithi dheni oompe. Ngele owa tameka nale okutaamba oontumwafo, holola kutya owa konakona oontumwafo yahugunina yini opo tu ku tumine ndjoka tayi landula ko.

Dhimbulukweni, ofuto yooontumwafo oyo R3-00 adhike.

Oskola yOontumwafo dhOmbimbeli mOngwediva.

UUVU WOMUTIMA

dha za kep. eti-5

omagadhi ga pitilila mbika a-yihe otayi vulu okweeta elondo luombinzi.

Omaudhigu gamwe otaga etwa kaagandji yiilonga sho taa futu unene oondjambi oonshona. Gamwe otaga etwa kaanona nogamwe okaapangeli. Gamwe ishewe otaga etwa keipyakidhilo lya pitilila. Oondohotola yamwe otaa ti onawa iilonga yi longwe kashona nakashona, oshoka shika otashikwatha wo mokumweneka omaudhigu monkalamwenyo.

Omutima otagu longo nuudhigumomuntu ngoka a ondoka unene. Eondo lya pitilila otali vulitha wo omutima mbala. Aniswa aantu yamwe yomuSouth Afrika ohaa li unene nomolwashi oya ondoka sha pitilila. Yamwe ohaa li iikulya yomaludhi ga puka omanga yamwe haa nu unene iikolitha mbyoka yi na uuzigo wo-alukoholi. "Alukoholi oshiponga moku-gwedhela ondjundo molutu", osho omuprofessori gumwe gwa S.A a ti.

Okwaahaninga omadhewo otaku ningitha olutu lu kale lwa zazama. Omadhewo ngaashi okumatuka okunuka nokweendelela nagalwe, otaga kwatha olutu lu kale lwakola nawa. Omadhewo otaga gamene wo eondo lya pitilila.

Mupya munene omwaalu omunene gwaantu yetu ihagu ningi nokagu hole omadhewo. Isheweomaludhi ogendji gomadhewo katu ga na moshilongo shetu.

Ngele to kala nokuyanda iinima mbika itano oto igamene koshiponga shuuvu womutima. Waa na mutima, ku na mwenyo.

J.A. Mweutota

Oskola yOmbimbeli

Oskola yOmbimbeli mOngwediva otayi ka taamba aalongwa aape omumvo 1982. Ethimbo lyokulongwa olyo oomwedhi hamano, opo taku ya ishewe ongundu ontiyali. Otaku tegelelwa omulongwa ngoka ta tseya okulesha nokunyola, a pita ositanda 2 nokuuka pombanda. Aagundjuka naakuluntu otaa taambwa.

Omolwomahala omashona, otatu ka taamba aalongwa 15. Kehe omulongwa ota ka futa R20-00 methimbo lyoomwedhi hamano dhoskola.

Tuma apo oombapila tadhi landula mpaka:

1. Eindilo lyoye mwene
2. Enyolululo lyOnzapo yoye lya shainwa komulongi. Nge onzapo ku yi na, shi holola mombapila yoye yeindilo kutya owa hulila peni mokulongwa kwoye.
3. Ombapila yuundjolowele woye we yi pewa komupangi nenge komundohotola.
4. Ombapila yegongalo.

Oombapila ndhika adhihe nadhikale dha thika pehulilo lyaKotoba 1981.

Ngoka ta ka taambwa ota ka tseyithilwa nombapila.

Omukuluntu gwOskola yOmbimbeli, Ongwediva.

OMUKWETU

Oye bshifo shOngeleka Onkwaevangeli

paLuther yomOwambokavango.

Ohe nyanyangidhwa mOshinyanyangidho shOngeleka mOnilpa.

Omukuluntu gwoshifo omumbisofi

dr Kleopas Dumeni.

Ondando yOmukwetu komumvo muAfrika

R 2-60 kombanda yomafuta R 5-00

Omambesitelo pamwe noondando naga

tumwe kOmukwetu Onilpa. P/B. 2013

Ondangwa 9000

EV. LUTH. OWAMBOKAVANGO CHURCH
PRESS ONIIPA P/BAG 2013 ONDANGWA

9000